

աղջկա մորեղբոր կարծիքին: Այս սովորությունը մնացորդ է մատրիարխատի՝ մայրիշխանության ժամանակներից: Աղջկա տիրոջ համաձայնությունը ստանալով՝ աղջկան տալիս էին բւրգահ⁸ նշան:

Նշանն օրհնում էր քահանան այս առիթով տրված հացկերույթի ժամանակ: Քահանայի ներկայությունը վերջերս արդեն անհրաժեշտ չէր, ինչպես և գյուղի տանուտերի ներկայությունը: Վերջինիս մասնակցությունը հնում, նա էր բաժանում ներկա եղողների մեջ նշանի հետ բերված սրբազան հավվան, ինչպես և երկու կողմերի մոտիկ ազգականների ներկայությունը, տալիս էր նշանաբովէֆին հասարակական բնույթ, որով արդեն վկայվում էր տղայի և աղջկա միջև հաստատվելիք կապի վավերականությունը և ընդգծվում էր, որ դրա համար ստացված է և՛ համայնքի, և՛ տոհմի համաձայնությունը, որն անշուշտ պահանջվում էր նախնական տոհմական կարգերի ժամանակ: Հացկերույթի միսը, շաքարը, գինին և այլն տղայի ծնողները ուղարկում էին նախօրոք համաձայնեցրած շափով:

Բւրգահ էին բերում մի այնպիսի բան, որ աղջկա ձեռքին անցկացրած (մատանի) կամ վզից կախված (ոսկե վզնոց, դրամների շարան)⁹ կարող էր ցույց տալ, որ աղջիկն արդեն մեկին խոստացված է: Այդ խոստմանն ավելի հրապարակական բնույթ տալու համար Մաղկաբաբին՝ Մաղկաբաբի օրը, երբ առհասարակ բոլոր շամունացած աղջիկները և տղաներն այցելում էին ժամերգությանը, նշանված տղան մի զույգ մոմ ձեռքին բռնած՝ կանգնում էր իր նշանած աղջկա առջև, իսկ տղայի տերը՝ մայրը, նույնպես և ազգականները, աղջկա գլխին ձգում էին շաղաք¹⁰:

Նշանավէֆին, ինչպես և ամուսնության վերաբերող այլ հրավերքներին, առատ խմվում էր գինի և օղի՝ նախնական կարգերում գործածվող նվիրական խմիչքի փոխարեն: Հետաքրքրական է, որ և այս դեպքում, ինչպես և ամեն ուրախության՝ թեկուզ լինեք երեկո, նոր մտնողը պիտի ասեր պարիլուս¹¹, պօլօրիա աչֆը լուս—երեկոյի կամ գիշերվա անուն չէին տալիս՝ գիշերն արթուն կեցող շար ոգիների ուշադրությունը գրավելու երկյուղից:

Նշանը բերում էին մի խնձորի կամ նուան մեջ խրած, և այսպես ամեն անգամ, երբ նշանված աղջկան տալիս էին նվեր՝ որևէ ոսկե իր կամ դրամ: Սրանով խրախուսվում էր, որ հարսն էլ խնձորի և նուան պես բազմանալու ընդունակություն ունենա:

Նշանավէֆին տղան ներկա չէր լինում, իսկ աղջիկը սենյակից փախչում էր: Երբեմն նրան հրավերքի վերջը ներս էին բերում գլխին շաղաք ձգած և նա հերթով համբուրում էր բոլոր հասակավորների ձեռքերը և փոխարենն ստանում էր նվեր՝ մանր դրամ:

Հաճախ պատահում էր և այնպես, որ բոլոր հյուրերի ցրվելուց հետո զօրանչը փեսացուին, որը սպասելիս էր լինում այդ ցրվելուն և տան երդիկից դիտում, ծածուկ տանում էր առանձին սենյակ և հյուրասիրում նշանավէֆից մնացած կերակուրներով կամ հատկապես պատրաստած մեղրով ձվածեղով:

⁸ Մեղրու բարբառով՝ եի՛չէն:

⁹ Մեղրիում նշանավէֆի ժամանակ փեսացուից ու նրա ծնողներից հարսի ստացած նվեր: կոչվում է ի՛րսնչուր՝ երեսաջուր:

¹⁰ Այս հրապարակական հայտարարումը ավելի հանդիսավոր կերպով կատարվում էր Ղարաբաղում, որտեղ տղայի ձեռքը տրվում էր վառվող մոմերով և զույն-զույն կտորներով զարդարված նորաբողբոջ ճյուղ:

¹¹ Մեղրու բարբառով՝ պա՛րիլիս: